

Mbanjsingzgeq:

Biengzsien Vunzlai Siengjmuengh

世外桃源古城屯

□ Luz Siujgez ingj



▲ Dougungj lai gak doeng hongh ranz.



▲ Ndaw hongh yienj gaeuqgeq.

◀ Ranzgaeuq aen dem aen daengj maenhdwt.



▲ Luengghongh iet coh gak aen ranzgaeuq.

Youq Sinhdwz Cunh Mungzhih Cin Gveibingz Si gih raeuz, miz gizdieg ndeu caemdingh, singjat, cwxcaih lumj seizcin nei, gizhaenx couhdwg Mbanjsingzgeq ndaej vunz-raeuz haenh dwg gizdieg biengzsien neix.

Sinhdwz Cunh dieg youq baihsae Gveibingz Si, liz gyanghaw Gveibingz 15 goengleix gya, ing bya dep raemx, gofaex heuswd mwncup, roeg heuh va hom, baenz bi raemx lae mbouj gat. Mbanjsingzgeq dwg aen mbanj swhyienz ndaw Sinhdwz Cunh cei q hung ndeu, daengx mbanj mienhcik 8 bingzfueng goengleix, 2000 lai gyauejvunz. Ciuq 《Yenci Gveibingz》 geiq naeuz, Mbanjsingzgeq youq seiz Ciuhnanzsung couh haindung miz vunz youq lo, youq rangh dieg Mbanjsingzgeq lij vat ok cungdoengz, aennyenz doenghgij vwnzvuz neix gvaq.

Mbanjsingzgeq miz diuz dah-hensingz roek caet mij gvangq ndeu hopngomx gvaengz ndeu, doeng sae namz baek gak hai miz aen bakdou hung ndeu, rog bakdou hung miz giuzdiuq hawj vunzmbanj haeujok, riengzdwk bi'ndwen bienqboek, seizneix dahhensingz gaenq deng boengznaez saekdimz rimmwd.

Byaij haeuj Mbanjsingzgeq, caenh raen gij ranz gaeuqgeq swnh diuz roen iq daengj baiz youq song henz, gwnz ciengz sangvid haenx veh miz roeggungicoz, funghvuengz, roeg-gacak, duzsaeceij, duzgeizlaenz doenghgij vehdat ndei yawj caiqlij gak cungj gak yiengh haenx, gwnz faqdou lij sieng miz vengq vadeu, yiemh-ranz ngaungat gwnz dingjranz gaek-veh baenz gak cungj gak yiengh. Youq ndaw ding aen ranzgaeuq ndeu, cawjranz baij le buenz geizciengh ndeu, baihhenz cuengq song aen

daengqgeg, henzde miz aen cingj ndeu raemx sawndikndik, couh deq baengzyoux daeuj le cimq gueng caz ndei ndeu, caez dwkgeiz beij ukvaeng, cwxcaih soengse!

Gij ranzcaeap ndaw Mbanjsingzgeq, aen ceiq gaeuq de ndaej cimh daengz Ciuhcingh nienzgan Genz-lungz bae, gaeuq laux lo. Gij vadeu sieng gwnz doufaex haenx gyaqciq ndei yawj; gij vehdat gwnz ciengz, yienznaeuz gvaqbae haujlai bi, cawz mbanj caengzbae loengdoek le, gij saek vehdat lij yienhsag lumj moq, gij deugaek gwnz liengz caemh lumj gij caen nei, gyaundeiraxcaix. Gij yiengh gaeuqgeq, gingjsaek swhyienz gyaundeiraxcaix. Gij yienhsag aen-mbanj, yinx haujlai hek bae ndaw mbanj youzcet. 1998 nienz, gyoengqvunz goepingj denyingj


《Daibingz Denhgoz》couh bae ndaw mbanj goepingj aeu gingj ndei gvaq.

Vunz Mbanjsingzgeq simsoh gaenxhong, moix bi ndwencieng roxnaeuz gvaq ciet hung, ndaw mbanj cungj guh dwk lamzgiuz doxdax, yienjheiq daegbied dwg heiqmoegyau hozdung, doengzeiz hoengh banh hoihmiuh, vunzlai mbanj henzyawj cungj doxcomz youq ndaw miuh, caez caeqbaiq goengbaed goengcoj mbaen j ndaw bi fwn yinz rumz swnh.

Seizneix, Sinhdwz Cunh cingq comz ngaenz hwnjguh hanghmoeg lijyouz lajmbanj, yaek baengh gij gingjsaek gyaundeiraxcaix gij daej cwkomz vwnzva lizsij haenx, cauxguh aen dieg ndei cwxcaih lijyouz lajmbanj gag miz daegsaek bonjfaenh ndeu, hawj vunzlai demlai souhaeuj saedceij vuenyungz.



▲ Doufaex sieng miz vengq deugaek gyaqciq.



▲ Gij vehdat gwnz ciengz lij yienhsag lumj moq.



▲ Gij gaekdeu gwnz liengz lai cungj lai yiengh.



▲ Ranzgaeuq doxdep daeb baenz benq.



▲ Ndaw mbanj lij raen miz muhrin.



▲ Hekyouz yawjgonz vengq deugaek gyaqciq gwnz dou.